

十七史詳節

東萊先生南史詳節卷之一

慎獨齋 劉弘毅 刊行

宋本紀

武帝

宋高祖武皇帝諱裕字德興小字寄奴彭城縣綏興里人姓劉氏漢楚元王交二十一世孫也彭城楚都故苗裔家烏晉氏東遷劉氏移居晉陵丹徒之京口里夜生神光照室盡明及長雄傑有大度身長七尺六寸風骨奇偉不事廉恥小節奉繼母以孝聞嘗遊京口竹林寺獨卧講臺前有五色龍章衆儒見之驚以白帝帝獨喜曰上人無妄言行止時見二小龍附翼撫漁山澤同侶或亦觀焉及貴龍形更大○帝素質時人莫能知唯琅邪王謐獨深敬焉後伐殺新洲見大蛇長數丈射之傷明日復至洲裏聞有杵臼聲往視之見童子數人皆青衣於榛中摘藥問其故答曰我王為劉寄奴所射合散傳之帝曰王神何不殺之答曰寄奴王者不死不可殺帝叱之皆散仍收藥而反又經客下邳逆旅會一沙門謂帝曰江表當亂安之者其在君乎帝先惠手創獲年不愈沙門有一黃藥因留與帝既而忽亡帝以黃散傳之其創一傳而愈索其餘及所得童子藥每遇金創傳之並驗○晉隆安三年十一月秋賊孫恩作亂於會稽朝廷遣衛將軍謝琰前將軍劉牢之東討牢之請帝來府軍事命與數千人謁賊遇賊衆數千帝使與戰所將人多死而帝奮長刀所殺傷甚衆牢之子敬宣疑帝為賊所困乃輕騎尋之既而衆騎並至連平山陰恩遁入海五年春三月恩北出海鹽帝築城於故海鹽賊日來攻城城內兵少帝乃遣救死士擊走之時雖連勝帝深慮東寡不敵乃一夜偃旗示以羸弱觀其懈乃奮舉大破之八月晉帝以帝為下邳太守元興元年荆州刺史桓玄舉兵東下驍騎將軍司馬元顯遣牢之拒之帝又來其軍事至帝請擊之牢之不

許乃遣子敬宣詣玄請和帝與何無忌並固諫不從玄創建鄴以牢之為會稽內史牢之懼招帝於廣陵
舉兵帝曰人情去矣廣陵亦豈可得之牢之竟縊於新洲何無忌謂帝曰我將何之帝曰可隨我還京口
玄守臣節堂與卿事之不然與卿圖之玄從兄脩以撫軍將軍鎮丹徒以帝為中兵參軍孫恩自敗後
懼見獲乃投水死於臨海餘衆推恩妹盧循為主玄復遣帝東征十二月桓玄篡位遷晉帝於尋陽桓
脩入朝帝從至建鄴玄見帝謂司徒王謐曰昨日見劉裕風骨不恒蓋人傑也玄妻劉氏尚書令耽之女也
聰明有智鑒嘗見帝因謂玄曰劉裕龍行虎步視瞻不凡恐必不為人下宜早為其所玄曰我方平蕩中
原非裕莫可待閔隴平定然後議之脩尋還京口帝托以金創疾動不堪步從乃與無忌同舡共還建興
復計○三年二月己卯帝託游獵與無忌等集義徒凡二十七人候城門開義衆馳入齊叫吏士驚散即
新脩以徇義軍初剋京城脩司馬刁弘率文武佐吏來赴帝登城謂曰郭江州已奉乘輿反正於尋陽我
等並被密詔誅逆黨今日賊玄之首已當景於大航諸君非大晉之臣乎弘等信之而退玄乃遣顧邱太
守吳甫之右衛將軍皇甫敷北拒義軍先是帝遣游擊將軍何澄之左右見帝光曜滿室以告澄之澄之
以白玄玄不以為意至是聞義兵起甚懼或曰裕等甚弱陛下何慮之深玄曰劉裕足為一世之雄劉毅
家無擔石之儲樛誦一擲百萬何無忌劉牢之之外甥略似其舅其舉大事何謂無成時東推帝為盟主
以孟祖為長史總彼事擅憑之為司馬百姓願從者千餘人軍次竹里移檄都下三月戊午遇吳甫之於
江乘帝躬執長刀大呼即斬甫之進至羅落橋遇皇甫敷擅憑之戰敗死之衆退帝遣顧胤屬又斬敷首
初帝建大謀有工相者相帝與無忌等近當大責惟云憑之無禍至是憑之戰死帝知其事必捷玄聞數
等沒使桓謙屯東陵口下範之屯覆舟山西已未義軍進至覆舟東張疑兵以油帛寇諸樹布滿山谷帝
先馳之將士皆殊死戰無不一當百○帝動天地因風縱火煙焰漲天謀等大敗玄始雖遣軍而走意已

決別遣領軍殷仲文具舟石頭聞謀敗輕船南逸庾中帝鎮石頭城立留臺總百官遣諸將追玄命尚書王綬率百官奉迎乘輿司徒王謐與衆議推帝領揚州帝固辭乃以謐為錄尚書事領揚州刺史帝為鎮軍將軍都督八州諸軍事徐州刺史領軍將軍玄挾天子走江陵又浮江東下與劉毅何無忌劉道規等遇於岷州東軍大破之玄復挾天子至江陵因走南郡○初益州刺史毛璩遣從孫祐之與衆軍常恬送弟長下州璩弟子脩之時為玄屯騎校尉誘玄入蜀至枚回洲其祐之迎射之益州都護馮遷斬玄傳首建郡○三月甲子晉帝至自江陵庾子詔進帝侍中車騎將軍都督中外諸軍錄尚書事帝固讓統鎮丹徒盧循浮海破廣州獲刺史二年十月論匡復黜封帝豫章郡公○四年正月徽帝入輔授侍中車騎將軍開府儀同三司揚州刺史如故表解兗州五年二月偽燕主慕容超大掠淮北三月帝抗表北討以丹陽尹孟昶監中軍留府事乃浮淮入泗五月至下邳留船步軍進琅邪所過築城留守超大將公孫五樓請斷大峴堅壁清野以待超不從初謀是役議者以為賊若嚴守大峴軍無所資何能自反帝曰不然鮮卑性貪略不及遠既幸其勝且愛其穀必將引我且亦輕戰師一入峴吾何患焉及入峴帝舉手指天曰吾事濟矣衆聞其故帝曰師既過險士有必死之志餘糧積穀軍無匱乏之憂勝可必矣六月超留燕老守廣固使其廣甯王賀剌盧及公孫五樓悉力據臨朐去城四十里有巨澗水超告五樓急據之比至為龍驤將軍孟龍符所保五樓乃退大軍分車四千兩為二翼方軌徐行車張懸御者執稍以騎為游軍軍令嚴肅比及臨朐賊騎交至帝命兗州刺史劉藩并州刺史劉道博等臨其陣日向晨賊騎繼帝用參軍胡藩策鼓鉦臨賊乃大奔超遁還廣固景子冠廣固大城超固其小城乃設長圍以守之七月超尚書郎張綱乞師於姚興自長安反太山太守申宣執送之綱有巧思先是帝脩攻具城上人曰汝不得張綱何能為也及至升諸樓車以示之城內莫不失色超既求救不獲綱反見虜乃求稱藩劉大峴為界

獻馬千匹不聽時姚興遣使厚言將涉淮左帝謂曰爾報姚興我定青州將過函谷虜能自送今其時矣錄事將軍劉穆之遽入曰此言不足威敵容能怒彼若鮮卑未拔尚羗又至公何以待之帝乃笑曰此兵機也非子所及先若能救不有先拜是自強也十月張綱脩攻具成設飛樓懸梯木幔板屋冠以牛皮弓矢無所用之劉穆之連上書太宰趙恢以千餘人來援帝夜潛遣軍會之明旦振衆五千方道而進每營使將到輒復如之六年二月丁亥屠廩固趙輪城走連藺之輔子建康市○初帝之北也徐道覆勸廩循乘虛而出循不從道覆乃至番禺說循曰今日之機萬不可失若剋京都劉公雖還無能為也循從之是月寇南康廩覆章諸郡守皆奔走時帝將鎮下邳進兵河洛及徵使至即日班師鎮南將軍何無忌與道覆戰敗死於豫章内外震駭朝廷欲奉乘輿北走帝次山陽聞敗卷甲與數十人造江上徵問知賊尚未至四月癸未帝至都劉毅自表南征帝以賊新捷鋒銳須嚴軍備進使劉藩止之毅不從五月壬午廩循敗於桑落洲及帝凱入相視失色欲還尋陽平江陵東二州以抗劉道覆諸將勝下事之旬日乃從于時北師始還傷殘未復戰士纍纍數千載東千餘萬斛糧亘千里孟昶諸葛長人懼欲擁天子過江帝曰今兵士疲少猶足一戰若其剋濟臣主同休如其不然不復能軍聞未活吾計決矣時諫者欲分兵屯守諸洋帝曰賊東我宴分其兵則人州虛索一處失利則沮三軍之心若聚衆石頭則東力不分戊午帝移鎮石頭乙丑賊大至帝曰賊若新亭直上且將避之若泗水蔡洲成禽耳徐道覆欲自新亭焚舟而戰循多疑少決每求萬全乃泊蔡洲以待軍濟帝登石頭以望見之悅庾亮賊設伏於南岸疑兵向白石帝未測報諸葛長人北拒馬留衆軍徐亦持戈查浦咸令勿戰帝既北賊焚查浦而至張侯橋亦持與戰大敗賊退屯丹陽帝馳還石頭斬徐亦特解甲久之乃出陣於南塘七月庚申循自蔡洲退將還歸尋陽帝遣輔國將軍王仲德等追之使建威將軍孫處自海道襲番禺賊之曰我十二月必破寇寇即亦

足至番禺先傾其巢窟也十月帝率舟師南伐使劉毅監太尉留府是月徐道覆寇江陵荊州刺史劉道規大破之道覆走還益口十一月孫處至番禺寇其城盧循父般奔始興處撫其人以守十二月己卯大軍次大雷庚辰賊方西而下帝躬提幡鼓命衆軍齊力擊之軍中多爲鉤神弩所至莫不摧陷帝自於中流麾之因風水之勢賊艦悉薄西岸岸上軍先備火具焚之大敗循還潯陽遂走豫章悉力柵左里而中大軍次左里將戰帝麾之麾竿折幡沉於水衆咸懼帝笑曰昔覆舟之役亦如此今勝必矣攻其柵循軍舸走衆皆降師旋晉帝遣侍中黃門勞師于行所七年正月己未振旅而歸改授大將軍揚州牧二月盧循至番禺爲孫處所破收餘衆南走劉藩孟懷玉斬徐道覆于始興○自晉中興以來朝綱弛紊權門兼并百姓流離不得保其產業桓玄頗欲釐改竟不能行帝既作輔大示軌則豪傑肅然遠近禁止交州刺史杜惠度斬盧循父子函之首送都荊州刺史劉道規疾患求故八年四月改授豫州刺史以豫州刺史劉毅代之毅既有雄才大志與帝俱興復晉室自謂京城廣陵功足相抗雖權事推帝而心不服也厚自矜許朝主素望者並多故之與尚書僕射謝混丹陽尹鄒僧施並深相結及鎮江陵豫州舊府多割以自贖諸僧施爲南蠻校尉帝知毅欲爲異端心密圖之毅至西疾篤表求從弟兗州刺史藩以爲副帝僞許爲九月遷入朝帝命收藩及謝混並賜死自表討毅至午暮建鄴遣衆軍至鎮烏鵲驛將軍劉恩蕭餐江陵赴之毅及黨與皆伏誅十一月帝至江陵分荊州十郡爲湘州帝仍遣督馬以西陵太守朱齡石爲益州刺史使代蜀晉帝追常太傅楊州牧九年二月乙丑帝至自江陵初諸葛長人貪淫驕橫帝每優容之劉毅既誅長人謂所親曰昔年勢彭越今年勢韓信禍其至矣料謀作亂帝期冠至都而無淹留不進公卿以下頗目奉懷於新年長人亦驟出既而帝輕舟當至已還東府長人到門引前却人問語凡平生言所不盡者皆與及之長人甚悅帝已薨命左右丁時自懷後出於堂拉馬死於廣柳與尸付延尉并

誅其弟衆人時曉勇有力時人語曰勿政危付丁時七月朱冷石平蜀新燕繼傳首建都九月晉帝以帝
 子齊定盧循功封帝次子義真為桂陽縣公十二年加帝中外大都督○初帝年齊仍有定關落意
 遇盧循侵逼故廢及荆雍平乃謀外畧會姚興死子泓新立兄弟相殺關中擾亂四月乙丑帝表伐關洛
 乃成嚴北討加領征西將軍司豫二州刺史帝以義祥懷遠奉琅邪王北伐八月乙巳率大東進發以世
 子為中軍將軍監太尉留府事尚書右僕射劉穆之為左僕射領監軍中軍二府軍司入居東府攝攝內
 外九月帝幸彭城加領北徐州刺史十月東軍至洛陽金墉降之脩復晉五陵置守衛十二月壬申晉帝
 加帝位相國總百揆楊州牧封十郡為宋公脩九錫之禮置宋國侍中黃門侍郎尚書左丞相大使奉迎
 抱單唐乞伏熾留遣使謁帝求效力討姚泓拜為平西將軍河南公十三年正月帝以舟師進討留彭城
 公義隆鎮彭城二月冠軍將軍檀到濟等軍次漢關三月庚辰帝率大軍入河五月帝至洛陽謁晉五陵
 七月至陝龍驤將軍王鎮惡舟師自河浮渭八月扶風太守沈田子大破姚泓軍於藍田王鎮惡克長安
 禽姚泓始義熙九年歲鎮惡感太白聚東井至是而關中平九月帝至長安長安豐給幣藏寶積帝先收
 其寶器運篋上主祀里鼓指南車及秦始皇玉璽送之都其餘珍寶珠玉悉以班賜將帥十月晉帝詔進
 宋公爵為王加十郡益宋國帝欲息駕長安經夏趙懿十一月前將軍劉穆之卒九歸十二月廢子發自
 長安以桂陽公義真為雍州刺史鎮長安留腹心將佐以輔之先是安西中兵參軍沈田子殺安西司馬
 王鎮惡諸將殺安西長史王僧嗣中亂十月帝遣右將軍朱冷石代安西將軍桂陽公義真為雍州刺史
 義真還為赫連勃勃所追大敗僅以身免諸將及餘石並沒十二月晉安帝崩大司馬琅邪王司馬位
 元熙元年正月晉帝詔徵帝入輔六月壬戌帝至都中晉安帝禪位於宋帝宋帝陳留王義隆上表勸進
 猶不許太史令蔡道陳天文符應曰素書義熙元年壬元熙元年太白晝見經天凡七占曰太白經天

更主異姓興義熙七年五虹見於東方占曰五虹見天子興聖人出九年鎮星歲星太白彗咸聚於東并
十三年鎮星入太微占曰鎮星守太微有立王有從王元熙元年冬黑龍四登於天易傳曰冬龍見天子
亡社稷大人受命冀州道人釋法稱告其弟子曰萬神言江東有劉將軍漢家苗裔當受天命吾以望三
十二鎮金一餅興之劉氏卜世之數也漢建武至建安末一百九十六年而禪魏魏自黃初至咸熙末四
十六年而禪晉晉自太始至今百五十六年三代禪讓咸窮於六又漢光武社於南陽漢末而其樹死劉
備有蜀乃應之而興及晉季年舊根始萌至是而盛矣若此者有數十條羣臣又固請乃從之
永初元年夏六月丁卯皇帝即位於南郊設壇祭燎告天禮畢備法駕幸建康宮臨太極前殿大赦改元
使使巡行四方旌賢舉善問人疾苦欲訟虧濫政刑平愆傷化擾俗未允人聽者皆具以聞政晉泰始歷
為永初歷社以子臘以辰是歲魏明元皇帝太常五年西涼亡

三年三月上不豫太尉長沙王道濟司空徐羨之尚書僕射傅亮領軍將軍謝晦護軍將軍檀道濟並入
侍醫藥五月上疾甚召太子戒之曰檀道濟雖有幹略而無遠志非如兄韶有難禦之氣徐羨之傅亮當
無異國謝晦串從征伐頗識機變若有異必此人也小却可以會稽江州處之癸亥上崩于西殿時年六
十羣臣上諡曰武皇帝廟號高祖○上清簡寡慾嚴整有法度未嘗視珠玉與馬之飾後庭無綺綺絲竹
之音初朝廷未備音樂長史殷仲文以為言帝曰日不暇給且所不解仲文曰屢聽自然解之帝曰政以
解則好之故不習耳甯州嘗獻琥珀枕老色甚麗價盈百金時將北伐以琥珀漆金創上大悅命碎分賜
諸將平關中得姚興從女有寵寵以之廢事謝晦誅時遣出財帛皆在外府內無私藏宋臺建有司奏
東西堂施局脚林金塗釘上不許廣州嘗獻入筒細布一端八丈帝為其精麗勞人即付有司鑄太守以
布遠之并制嶺南禁作此布帝素有熱病并患金創宋年尤劇坐臥常煩冷物後有人獻石林菴之極以

為佳乃嘆曰木料且費而況石邪即令毀之制諸主出通達送不遇二十萬無錦繡金玉內外奉養莫不節儉○微時躬耕於丹徒及受命將紹之具頭有存者皆命藏之以留於後及文帝幸舊宮見而問焉左右以實對文帝色頗有近侍進曰夫耕躬歷山伯禹親事耒耜陛下不睹列聖之遺物何以知稼穡之艱難何以知先帝之至德乎及孝武大明中壞上所居陰室於其處起玉燭殿與羣臣觀之林頭有障壁上掛萬燈籠麻繩拂侍中袁顗或綱上儉素之德孝武不答獨曰田舍公得此以為過矣故能光有天下克成大業盛矣哉

少帝

少帝諱義符小字車兵武帝長子也晉義熙二年生帝於京口帝膂力絕人善騎射解音律武帝受禪立為皇太子永初三年五月癸亥武帝崩是日太子即皇帝位
景平二年帝居處所為多乖失夏五月己酉皇太后令暴帝遇惡廢為營陽王一依漢昌邑晉海西故事奉迎鎮西將軍宜都王義隆入纂皇統

論曰晉自杜預南遷王綱弛紊朝權國命連故台輔君道雖存主威久謝德溫雄才蓋世數高一時移鼎之業已成天人之望將改自斯以後帝道彌衰道子開其禍端元顯成其釁末桓玄乘時藉運加以先質革命受終人無異望宋武地非齊晉眾無一旅曹不決司夷幽剪暴珠內消外功格上下若夫樂推所歸臨歟所集校之魏晉可謂收其實矣宋武皇將涉知命弱嗣方育廟有慈顏前無嚴劍少帝體易染之質稟可下之姿外物莫犯其心所欲必從其志峻縱非學而能危亡不期而集其至顛沛非不幸也悲哉

文帝

太祖文皇帝諱義隆小字車兒武帝第三子也晉義熙三年生於京口十一年封彭城縣公永初元年封宜都郡王位鎮西將軍荊州刺史加都督時年十四博涉經史善隸書是歲來朝會武帝當聽訟乃遣上訊建康獄囚辨斷稱旨武帝甚悅景平初有黑龍見西方五色雲隨之二年江陵城上有紫雲望氣者皆以爲帝王之符當在西方其年少帝廢百官議所立徐羨之傅亮等以禋符所集備法駕奉迎入奉皇統行臺至江陵尚書令傅亮奉表進前殿是時司空徐羨之等新有弑害及鑒駕西迎人懷疑懼惟長史王曇首司馬王華南蠻校尉到彦之共期朝臣未有異志帝曰諸公受遺不容貲貳且勞臣舊將內外充滿今兵力又足以制物大何所疑甲戌乃發江陵命王華知州府留鎮陝西令到彦之監襄陽車駕在道有黑龍躍負上所乘舟左右莫不失色上謂王曇首曰此乃夏禹所以受天命我何德以堪之及至都督臣迎拜於新亭百官奉轡絃冲讓未受勅請數四乃從之

元嘉元年秋八月丁酉皇帝即位於中堂備法駕入宮御太極前殿大赦改元是歲魏太武皇帝始光元年

三年春正月丙寅司徒徐羨之高書令傅亮有罪伏誅遣中領軍到彦之征北將軍檀道濟討荊州刺史謝晦上親率六師西征二月戊辰到彦之檀道濟大破謝晦於隱磯丙子車駕自蕪湖反旆已卯會晦於延頭送都伏誅

七年春三月戊子遣左將軍到彦之使魏冬十月戊寅魏剋金墻城十一月癸未又剋武牢主辰遣征南大將軍檀道濟拒魏右將軍到彦之自滑臺奔追

八年春二月辛酉魏剋滑臺癸酉檀道濟引軍還自是河南復亡

十六年上好儒雅又命丹陽尹何尚之立玄素學著作佐郎何承天立史學司徒參軍謝元立文學各聚

門徒多就業者江左風俗於斯為美後言政化稱元嘉焉

二十二年春正月辛卯朔改用柯承天元嘉新曆九月己未開酒禁癸酉宴於武帳堂上將行教諸子且勿食至會所賜饌日旣食不至有飢色上誠之曰汝曹少長豐佚不見百姓艱難今使爾織有飢苦知以節儉期物

二十七年秋七月庚午遣甯朔將軍王玄謨拒魏太尉江夏王義恭出次彭城總統諸軍十二月庚午魏太武帝率大衆至瓜步群欲渡江都下震懼咸荷擔而立壬午內外戒嚴緣江六七百里舳舻相接始議北侵朝士多有不同至是帝登烽火樓極望不悅謂江湛曰北伐之計同議者少今日士庶勞怨不得無賴詔大夫之憂在手過矣甲申使讀百宰於魏

二十八年春正月丁亥魏太武帝自瓜步退改停廣陵居人萬餘家以北徐豫青冀二兖六州殺畧不可勝算所過州郡亦地無餘二月甲戌降江夏王義恭為驃騎將軍開府儀同三司壬午瓜步是日解嚴三月乙酉車駕還宮

三十年二月甲子元凶劾構逆帝崩於合殿時年四十七孝武帝踐祚追改諡曰文帝廟號太祖○帝聰明仁厚雅重文儒躬勤政事故致無怠加以在位日久惟簡靖為心于時政事論理朝野悅睦自江左之政所未有也又性存儉約不好奢侈車府令嘗以筆達故請改易之又於車馬舊以烏皮緣故欲代以紫皮上以竹還未至於壞紫色貴並不聽改其率素如此云

孝武帝

世祖孝武皇帝諱駿字休龍文帝第三子也元嘉七年八月庚午夜生有光照室少機穎神明爽發讀書七行俱下才藻甚美雄決愛武長於騎射十二年立為武陵王二十二年東遷雍州刺史自晉江左以來

裴陽未有皇子重鎮時文帝欲經畧關河故有此授及魏太武大舉至淮南時帝鎮盩厔城魏使高季孝伯至帝遣長史張暢與語而帝改服觀之孝伯目帝不報及出謂人曰張侯側有人風骨視瞻非常士也二十八年為都督江州刺史時緣江蠻為寇文帝遣沈慶之等伐之使上總統眾軍三十年正月出次西陽之丘洲會元凶弒逆上率眾入討荊州刺史南譙王義宣雍州刺史臧質並舉義兵三月乙未建牙於軍門是時多不悉舊儀有一翁班白自稱少從武帝征伐頗悉其事因使指麾事畢忽失所在自冬至春常東北風連陰不霽其日才立之後風轉而西南景色開霽有紫雲雲陰於牙上四月辛酉上次漂州丙寅次江甯丁卯大將軍江夏王義恭來奔奉衣上尊號戊辰上至新亭己巳即皇帝位大赦改新亭為中興亭夏五月乙亥輔國將軍朱脩之赴東府景中剋建郡二凶及同逆並伏誅

前廢帝

前廢帝諱子業小字法師孝武帝長子也孝武鎮揚陽帝留都下三十年孝武入伐元凶因帝於侍中下省將加害者數矣卒得無恙及孝武踐祚立為皇太子孝武崩其日太子即皇帝位帝少時日甚謀殺相繼内外百司不保首領先是訖言相中出天子帝將南巡荆湘以歷之期旦誅除四叔然後發引是夜湘東王或與左右阮佃夫王道隆李道琨密結帝左右壽寂之美產之等十一人謀共廢帝太皇太后令奉湘東王或纂承皇統

論曰文帝幼年時芳自累君德及正位南面歷年長久維綱備舉條禁明密動有博科典無微品故能內清外晏四海謐然而授將建師事奉分閭才謝光武而遙制兵畧至於戎戰日時威聽威旨雖廢師

喪旅將非韓白而延蔓處境抑此之由及至言泄食祗難結凶豎雖禍生非慮蓋亦有以而然夫盡人命以自食蓋惟樂約之行觀夫大明之世其將盡人命乎雖周公之才之美亦當終之以亂由此言之得歿亦為幸矣至如廢帝之事行著於篇假以中才之君有一於此足以致實況乎東斯眾惡不亡其可得乎

明帝

太宗明皇帝諱彧字休景小字榮期文帝第十一子也元嘉二十五年封淮陽王二十九年改封湘東王孝武踐祚累遷鎮軍將軍雍州刺史是歲入朝時廢帝疑畏諸父以上付廷尉明日將加禍害上乃與腹心阮佃夫李道兒等密謀時廢帝左右直閭將軍宋越譚金童太一等是夜並外宿佃夫道兒因結壽寂之等十一月十九日弑廢帝於後堂

泰始元年即大明元年也魏和平六年冬十二月丙寅皇帝即位於太極前殿大赦改元

泰豫元年春正月甲寅朔上以疾未痊故改元夏四月己亥上疾大漸是日上崩於景福殿時年三十四（帝好讀書愛文義在藩時撰江左以來文章志文續衡曜所註論語二卷及即大位舊臣才學之士咸蒙引進末年好鬼神多諱忌言語文書有禍敗凶喪疑似之言應回避者犯即加戮者皆適戍郡亦造制必為正御三十創御次御副三十須一物軌造九十枚天下駭然民不堪命宋氏之業自此喪矣

後廢帝

後廢帝諱昱字德融明帝長子也明帝崩庚子太子即皇帝位

元徽五年七月戊子夜帝遇弑於仁壽殿時年十五己丑皇太后令貶帝為蒼梧郡王

順帝

順皇帝諱準字仲護明帝第三子也廢帝殂蕭道成奉太后令迎王入居朝堂

昇明元年秋七月壬辰皇帝即位大赦改元蕭道成司空錄尚書事三年三月加蕭道成相國總百揆封十郡為齊公備九錫之禮夏四月壬申進齊公蕭道成爵為王辛卯帝禪位於齊封帝為汝陰王居丹徒宮齊兵衛之建元元年五月己未帝聞外有馳馬者懼亂作監人殺王而以疾赴齊人德之實之以邑謚曰順帝宋之王侯無少長皆幽死矣

論曰文帝負辰南面實有人君之美經國之義雖弘而隆家之道不足彭城照不窺古本無車馬之資徒見昆弟之義深未識君臣之禮真以此家情行之國道主忌而黷紀屢難而本悟致以陵遠之愆遂成滅親之禍開端樹隙垂之後人明帝猜忌之情披行已之典前漢走飲不待慮既而本根莫庇幼主孤立下無盤石之託上有累卵之危方復藏爾懷誠無服志反危冠短制匹馬孤征以至覆亡理固然矣神器以勢弱傾移靈命隨樂推回改斯善履霜有漸夫豈一夕何止區區汝陰攝讓而已

齊本紀

高帝

齊太祖高帝諱道成字紹伯姓蕭氏其先本居東海蘭陵縣中朝喪亂皇高祖淮陰令整字公齊過江居晉陵武進縣之東城里寓居江左者皆倚置本土加以南名更為南蘭陵人姿表英異龍顏鍾虜長七尺五寸鱗文遍體為建康令有能名少府蕭惠開雅有知人鑒謂人曰昔魏武為洛陽北部時人服其英今看蕭建康但當過之耳宋明帝即位為右軍將軍時四方叛會稽太守王子房及在東諸郡皆起兵明帝加帝輔國將軍東討至晉陵一日破賊十二壘分軍定諸縣除桂陽王征北司馬行南徐州事及張永等敗於彭城淮南孤弱以帝為假冠軍將軍持節都督北討前鋒諸軍事遣南兗州刺史加督五州督北討

如故明帝嫌帝非人臣相而人間流言帝當為天子明帝愈以為疑遣冠軍將軍吳景留軍破釜自持銀
壺酒封以賜帝帝或服出門迎懼鵠不敢飲將出奔晉告以誠先飲之帝即酌飲之晉還明帝意乃悅泰
始七年徵還都部下勅勿就徵帝曰主上自誅諸弟為太子幼弱作萬歲後計何聞臣族惟應速發事
當見疑今骨肉相害自非盡長之運禍難將興方與卿等戮力耳至拜散騎常侍太子左衛率明帝崩遣
詔為右衛將軍領衛尉典奏蔡植彥回劉劭共掌機事尋解衛尉加侍中領石頭戍軍事○元徽二年五
月桂陽王休範舉兵於滬陽朝廷惶駭帝與蔡植彥回等集中書省計議莫有言者帝曰昔上流謀逆皆因
淹緩以敗休範必遠徵前失輕兵急下乘我無備請頓新亭以當其鋒因索筆下議餘並注同中書舍人
孫千齡與休範有密約獨曰宜依舊遣軍據梁山帝正色曰賊今已近梁山豈可得至新亭既是兵衛所
欲以死報國耳乃單車白服出新亭加帝使持節都督征討諸軍事車南將軍蔡新亭城壘未畢賊前軍
已至帝方解衣高卧以安眾心乃索白武幡登西垣使南將軍高道慶羽林監陳顯達勇外郎王敬則
浮舸與賊水戰大破之未時張敬兒斬休範首臺軍及賊眾俱不知其別率杜黑急攻東壘帝挺身上
馬帥數百人出戰與黑惡拒戰自哺達明旦矢石不息賊帥丁太豪設伏破台軍於阜陵橋直至朱雀航
王道隆劉劭並戰沒及賊進至杜姥宅車騎典蓋茅括開東府納賊冠軍將軍沈懷明於石頭奔散眾水
潰於白下宮內傳新亭亦陷帝遣軍主陳顯達任農夫張敬兒周盤龍等從石頭濟淮間道自承明門入
衛宮闕時休範典籤許公典詐稱休範在新亭士庶惶惑詣壘期赴休範投名者千數及至乃是帝隨得
執燒之登城北謂曰劉休範父子先昨皆已死戮尸在南園下身是蕭平南諸軍首領觀者皆已焚
除勿懼也臺分遣眾軍擊平賊帝振旅凱八百姓緣道聚觀曰全國家者此公也帝與袁粲蔡植彥回劉彥
即引咎解職不許遷數時常侍中領軍都督南兖州刺史鎮軍將軍進爵為公與袁粲蔡植彥回劉彥即等

史記入直史事號為四貴○休範平後登樞王漸行凶暴唐高宗五年七月楊王夫等與直閣將軍王
微明通謀弑睿稱帝乃下詔備法駕詣東城迎立順帝中平帝移鎮東府與袁紫極彥回劉彥即各甲仗
五十人入殿中加侍中司空錄尚書事驃騎大將軍封竟陵郡公○十二月荊州刺史沈攸之反帝入
居朝堂命諸將西討平西將軍黃回為都督前驅先是太后兄子前湘州刺史王彥遣母喪罷任還至巴
陵停舟與攸之密謀乃下達鄂州武帝時為鄂州長史彥伺武帝出弔因作亂據鄂城武帝知之不出
還至東府前又見高帝帝又不出弔再計不行外謀愈固司徒袁紫尚書令劉芳即見帝威權稍減
不自安與紫方黃回等相結舉事殿內宿衛主帥無不協同及攸之反間初至帝往石頭詣紫謀紫稱疾
不相見冠至中夜起兵抹石頭其夜丹陽王遜棄寶刀即從弟領軍溫及直閣將軍卜伯興等嚴兵為
內應帝命王戰則於宮內誅之遣諸將攻石頭王遜將數百精手帶中赴紫城門已閉官軍又至乃散眾
軍攻石頭斬紫乃即走石頭湖絕逃開場並禽斬之時黃回趨新亭聞石頭已下因稱救援高帝知而不
言撫之愈厚遣回西上流涕告別二年正月沈攸之平二月宋帝追高帝太尉都督十六州諸軍事三年
三月甲辰宋帝詔遜帝位相國總百揆封十郡為齊公備九錫禮四月宋帝以歷數在齊乃下詔禪位是
日遜於東郊

建元元年夏四月甲午皇帝即位封宋帝為汝陰王

四年春二月己未上不豫三月庚申詔司徒褚彥回左僕射王儉受顧託去戊皇帝崩于臨光殿年五十
六葬陵上諡曰高皇帝廟號太祖○上少有大量喜怒不形於色深沈靜默常有四海之心博學善屬文
不喜諫書至恭第二品雖經給黃儉不廢事至恭即位後身不離精細之物主衣中有玉命事以長修善
之源命打碑之凡異物皆令隨制造棄使宮禁物欄檻以銅為飾者皆改用鐵內殿施黃紗帳宮人著紫

史記事蓋除金華川用鐵曰釘母曰使我臨天下十年當使黃金與土同價欲以身率下移風易俗所著
文語中書侍郎江淹撰次之又詔東觀漢記探史林三十篇魏文帝覽之流也○案宋武帝於嵩高山
得玉璽三十二枚神人云此是宋十世之數三十二者三十三也宋自受命至禪齊凡六十年然則帝之
符應也若是云

武帝

世祖武皇帝諱順字宣遠高帝長子也生於建康縣之青溪宮將產之夕孝皇后夢龍據屋故小字上為
龍兒任宋為輔令元徽四年累遷會稽王鎮西長史江夏內史行郢州事順帝立徵召熙王襲為撫軍揚
州刺史以上為左衛將軍輔翼俱下沈攸之事起奪得朝廷處分上以中流可以待敵即募益口城為戰
中備高帝聞之曰此真我子也三年又加尚書僕射中軍大將軍開府儀同三司進爵為公爵國建為齊
公世子高帝即位為皇太子建元四年三月壬戌高帝崩是日皇太子即皇帝位○癸酉詔免通城錢自
今以後申明舊制初晉宋舊制受官二千石輒通修城錢二千石始初軍役大起受官者為計兵戎機急
事有未遑自是令役以下並不輸送二十年中大限不可勝計文符督切擾亂在所至是除舊百姓悅焉
永明十一年春正月乙亥皇太子長懋薨夏四月甲午上皇孫昭業為皇太子孫秋七月上不豫徙御延昌
殿始登階而殿屋鳴吃上惡之輒軍將至上慮朝野憂惶乃反召樂府奏正聲使成實大漸語曰始樂太
朝樂賢不允善行年六十亦復何恨但皇業艱難萬機事重不能無遺慮耳太孫進德日茂社稷有享子
良善相輔思弘正道內外眾事無小大悉與諮訪來儀尚書是職權根本委王晏徐孝嗣軍旅計議之
略委王晏則陳顯達王廩之王玄邈沈文季張永薛琨等百辟思德奉本圖職謹事太孫勿有懈怠是日
上崩於延昌殿年五十四有臣上諡曰武皇帝明穆世祖○上崩後有斷政惡大體以富國為先頗喜游